



NEWSLETTER BR. 32

JUNI 2017

SADRŽAJ

FIPA AKTIVNOSTI ≡

- » Delegacija Općine Kotor Varoš posjetila FIPA-u
- » Novi investitor u tekstilnoj industriji BiH
- » FIPA dovodi četrdeset kineskih kompanija u Bosnu i Hercegovinu
- » Dogovoreno potpisivanje sporazuma FIPA-e i Kineske državne agencije za promociju investicija (CIPA)
- » Jačanjem kapaciteta Suradničke mreže do lakšeg rješavanja otvorenih pitanja investitora u BiH
- » FIPA na sastanku sa predsjedavajućim Vijeća ministara BiH Zvizdićem i ministrom Šarovićem
- » Federalni ministri Vujanović i Zukić u posjeti FIPA-i

POSLOVNE VIJESTI ≡

- » Dongfang zainteresiran za HE Dabar
- » Remus gradi novu proizvodnu halu



OD 24. JUNA BIT ĆE UPOSTAVLJENA SEZONSKA LINIJA RIJAD - SARAJEVO



Od 24. juna bit će upostavljena sezonska linija Rijad - Sarajevo. Podružnica egipatskog avioprevoznika iz Saudijske Arabije Nesma Airlines već je objavila je termine letova pridružujući se tako sve većem broju aviokompanija koje dovode turiste u BiH.

Na prodaji je pet sedmičnih letova između dva grada, koji će se odvijati u periodu od 24. juna do 24. septembra. Ovi letovi provode se u partnerstvu sa investicionim društvom Al Shiddi Group.

FIPA AKTIVNOSTI ≡



DELEGACIJA OPĆINE KOTOR VAROŠ POSJETILA FIPA-U



NOVI INVESTITOR U TEKSTILNOJ INDUSTRIJI BiH



...I JOŠ FIPA AKTIVNOSTI...



DELEGACIJA OPĆINE KOTOR VAROŠ POSJETILA FIPA-U



Direktor Agencije za unapređenje stranih investicija BiH (FIPA) Gordan Milinić razgovarao je sa delegacijom Općine Kotor Varoš, Mladenom Trivunovićem, zamjenikom načelnika, Slobodanom Jurićem, direktorom Komunalnog preduzeća, i Nedeljkom Glamočakom, poslanikom u Narodnoj skupštini RS, o mogućnostima suradnje na prikupljanju investicionih projekata kojima raspolaže Općina, njihovom prezentiranju stranim investitorima, kao i o trenutnoj situaciji kada je riječ o stranim kompanijama koje posluju na ovom području.

Kotor Varoš je poznat po kožarsko-prerađivačkoj, metalnoj i drvoprerađivačkoj industriji u kojima posluju značajne kompanije iz Italije, Austrije, Hrvatske, kao i domaće kompanije koje zapošljavaju veliki broj radnika. 50% površine predstavlja poljoprivredno zemljište i šumsko zemljište, te stoga pružaju i velike mogućnosti za investitore u ovim oblastima, uz značajnu podršku općinske administracije u smislu pribavljanja potrebne dokumentacije i odgode plaćanja određenih naknada.

Općina trenutno raspolaže sa dvadesetak projekata mini hidrocentrala, kao i projektom punionice vode koje će dostaviti FIPA-i radi prezentiranja stranim investitorima.

Također, iskazana je potreba za pronalaskom investitora radi instaliranja postrojenja za tretiranje komunalnog otpada u čemu će FIPA pomoći.



NOVI INVESTITOR U TEKSTILNOJ INDUSTRIJI BiH



Agencija za unapređenje stranih investicija u BiH (FIPA) je u suradnji sa Svjetskim savezom dijaspore BiH pronašla novog investitora za tekstilnu industriju BiH. Radi se o turskom biznismenu Zihni Yildizu, koji je zajedno sa Hasanom Šehovićem, predsjednikom Svjetskog saveza dijaspore, posjetio FIPA-u radi dogovora o načinu realizacije investicije. G. Yildiz je vlasnik dvije fabrike tekstila u Turskoj i izvozi na tržište Francuske, Njemačke i Velike Britanije. Ima ugovorenu proizvodnju za narednih 5 godina pa se osjeća velika potreba za proširenjem proizvodnje, a kompletna proizvodnja u BiH će biti namijenjena izvozu.

U prvoj fazi investitor će zaposliti 250 radnika sa intencijom rasta u narednim godinama do 850 zaposlenih. Početna investicija bi iznosila 3.500.000 eura, dok je konačni plan uložiti 10.500.000 eura u razvoj i širenje proizvodnje. Osoblje FIPA-e je investitora upoznalo sa uvjetima poslovanja u BiH posebno imajući u vidu tradiciju BiH u tekstilnoj industriji, dosta iskusnog kadra u ovoj privrednoj grani i postojanje stručnih obrazovnih institucija za školovanje novog kadra.

Direktor FIPA-e Gordan Milinić je novom investitoru obećao punu podršku u obezbjeđenju uvjeta za početak proizvodnje. U tom smislu FIPA će u konsultacijama sa lokalnim organima vlasti odabrati i ponuditi investitoru nekoliko investicionih lokacija sa svom potrebnom infrastrukturom.

Plan je krenuti sa proizvodnjom što je prije moguće na površini od 12.000m² sa ciljem širenja do 60.000m².



FIPA DOVODI ČETRDESET KINESKIH KOMPANIJA U BOSNU I HERCEGOVINU



Direktor FIPA-e Gordan Milinić na sastanku sa predstavnicima grada Ningbo iz Kine dogovorio je posjetu 40 kineskih kompanija Bosni i Hercegovinu u oktobru 2017. godine. Direktor sektora za prekogranična ulaganja Ningboa gđin Pan Yingming i direktor FIPA-e Gordan Milinić su zaključili da postoji neiskorišteni potencijal za unapređenje suradnje između Bosne i Hercegovine i Ningboa u sektorima metalo-prerade, proizvodnje hrane, drvo-prerade, energetike, te IT sektora, te da je potrebno intenzivirati kontakte, što će biti realizirano dolaskom 40 kineskih kompanija u BiH u oktobru ove godine. Ningbo, grad sa preko 7 miliona stanovnika, ima 160.000 privatnih kompanija, od kojih su 21 na listi 500 vodećih privatnih preduzeća u Kini, kao i više od 360.000 manjih porodičnih firmi. Proglašen je 2013. godine za jedno od najatraktivnijih odredišta za ulaganja u Kini, ali i za jedan od najaktivnijih gradova u širenju biznisa u inostranstvo. Među vodećim je i po broju industrijskih i bescarinskih zona. Privatni sektor učestvuje sa gotovo 80 odsto u ukupnom bruto domaćem proizvodu Ningboa i pokriva 85 odsto radnih mjesta.

FIPA će prilikom posjete privrednika iz Ningboa pripremiti prezentacije atraktivnih investicijskih projekata, sastanke sa relevantnim ministarstvima na svim nivoima vlasti i vlasnicima projekata, te organizirati i posjete mogućim lokacijama za ulaganje.

Posjeta kineske privredne delegacije grada Ningboa će biti prva sektorski i projektno sistemski organizirana posjeta jedne privredne delegacije iz Kine, na kojoj će se fokus staviti na konkretnim investicijskim i izvozno-orijentiranim projektima i dogovorima o suradnji.



KINESKA DRŽAVNA AGENCIJA ĆE UPUĆIVATI INVESTITORE U BIH



Direktor Agencije za unapređenje stranih investicija u BiH (FIPA) Gordan Milinić sastao se sa generalnim direktorom Agencije za promociju investicija Narodne Republike Kine (CIPA) Liu Dianxunom i dogovorio da se pokrene procedura potpisivanja Sporazuma o suradnji ove dvije agencije, na osnovu kojeg će CIPA promovirati investicione projekte FIPA i upućivati kineske investitore u Bosnu i Hercegovinu.

Naime, CIPA, pored promocije stranih investicija u Kinu, radi i na pružanju podrške kineskim investitorima za ulaganje u inostranstvo. Takav dvosmjerni rad CIPA-e, kao agencije Vlade N.R. Kine u sklopu Ministarstva trgovine, u skladu je sa ekonomskom strategijama Kine i uključuje suradnju sa kineskim kompanijama, privrednim komorama i relevantnim ministarstvima i institucijama u Kini. Potpisivanje Sporazuma o suradnji će predstavljati kvalitetan temelj za unapređenje ekonomske suradnje i privlačenje investicija iz Kine u Bosnu i Hercegovinu. Sporazum će se potpisati nakon što ga odobre Predsjedništvo BiH i Vlada NR Kine.

Tokom sastanaka s predstavnicima CIPA-e, istaknuta je potreba intenzivnijeg predstavljanja potencijala BiH, te definiranje specifičnih akcijskih programa u cilju privlačenja ulaganja. Bosna i Hercegovina je interesatna kineskim privrednicima i navedenim Sporazumom CIPA i FIPA će unaprijediti suradnju u promoviranju projekata i dogovaranju posjeta investicionim lokacijama u BiH.

Uzimajući u obzir ekonomski i privredni razvoj Kine, te najavu ekonomskog rasta od 6,5 posto ove godine i jedanaest miliona novih radnih mjesta, sigurno će se ukazati i potreba za pojačanim angažmanom kineskih privrednika u inostranstvu, uključujući i BiH.



JAČANJEM KAPACITETA SURADNIČKE MREŽE DO LAKŠEG RJEŠAVANJA OTVORENIH PITANJA INVESTITORA U BIH



Susretom čelnih ljudi Vijeća investitora Federacije BiH i Agencije za unapređenje stranih investicija u BiH (FIPA) učinjen je još jedan korak na jačanju kapaciteta Suradničke mreže ka bržem i učinkovitijem rješavanju otvorenih pitanja investitora u BiH sa kojim se susreću u svom poslovanju. Program Postinvesticione podrške investitorima (Aftercare) pokrenula je FIPA 2013. godine uz pomoć Međunarodne finansijske korporacije (IFC) članice Grupacije Svjetske banke, uspostavljajući institucionalnu suradnju na svim nivoima vlasti u BiH kroz Suradničku mrežu. Svrha uspostave Mreže je stvaranje mehanizma za identificiranje i što brže rješavanje otvorenih pitanja investitora kako bi se omogućio rast i razvoj kompanija u našoj zemlji, a time i doprinos održivom ekonomskom razvoju lokalne zajednice. Svakom godinom Suradnička mreža se širi kroz uključivanje novih članica. „Predstavnici Suradničke mreže redovno posjećuju firme sa stranim kapitalom, a nakon detektovanja problema sa kojima se susreću u radu, u okviru svojih nadležnosti, iniciraju rad na izmjenama i dopunama zakonskog rješenja u cilju rješavanja otvorenih pitanja” pojašnjava Gordana Milinić, direktor FIPA-e. „Od osnivanja do kraja 2016. godine, članice Suradničke mreže posjetile su 260 kompanija, stranih investitora koji su u našu zemlju do sada uložili 3 milijarde i 725 miliona KM te zaposlili 30.602 radnika. Ohrabruje i podatak da od ukupnog broja posjećenih kompanija njih 68,2% najavljuje reinvestiranje u proširenje postojećih i uvođenje novih proizvodnih linija i usluga” dodaje na kraju Milinić. Osnivanjem i aktiviranjem rada Vijeća za investitore FBiH, u aprilu ove godine, dodatno je ojačan kapacitet i kvalitet Suradničke mreže te uspostavljena potpunija koordinacije i suradnja institucija federalnog, kantonalnog i lokalnog nivoa u oblasti investiranja. Podržan od Grupacije Svjetske banke i Britanske ambasade u Bosni i Hercegovini, dio je planiranog unapređenja poslovne klime i konkurentnosti u FBiH zacrtane Reformskom agendom. „U sastavu Vijeća su predstavnici federalnih i kantonalnih ministarstava, Privredne komore Federacije BiH, Saveza općina i gradova Federacije BiH te predstavnik Vijeća stranih investitora u BiH” istakao je ministar trgovine u Vladi Federacije i predsjednik Vijeća Zlatan Vujanović na današnjem redovnom polugodišnjem sastanku Suradničke mreže. „Ovom suradnjom nastojimo uspostaviti partnerski odnos između svih nivoa vlasti u FBiH, ojačati dijalog kroz operativni rad na konkretnim problemima. Želimo takođe ubrzati reformu poslovnog okruženja kroz pojednostavljenje i automatiziranje registracije poslovnih subjekata, ubrzati procedure za pribavljanje dozvola, olakšati izvoz kroz nastavak reformi i jačanje kontrole kvaliteta usklađenog sa zahtjevima EU. Za zaštitu investitora u BiH i njihova reinvestiranja, potrebni su nam bolji zakoni i prakse” zaključio je Vujanović.



FIPA NA SASTANKU SA PREDSEDAVAJUĆIM VIJEĆA MINISTARA BIH ZVIZDIĆEM I MINISTROM ŠAROVIĆEM



Predsjedavajući Vijeća ministara BiH dr. Denis Zvizdić i zamjenik predsjedavajućeg i ministar vanjske trgovine i ekonomskih odnosa BiH Mirko Šarović razgovarali su 1. juna 2017 sa predstavnicima FIPA-e na čelu sa direktorom Gordanom Milinićem i VTK na čelu sa predsjednikom Ahmetom Egrlićem o planovima prezentacija bh. mogućnosti za ulaganje prema stranim investitorima i mogućnostima suradnje.

Direktor Milinić je predstavio dosadašnje, te planove za buduće aktivnosti FIPA-e na promociji Bosne i Hercegovine i njenih investicijskih potencijala.

Sudionici sastanka su se složili da je neophodno podržati medijsku kampanju FIPA-e „Invest in Bosnia and Herzegovina“ u cilju unapređenja imidža zemlje kao stabilne i sigurne za strani kapital.

Dogovorene su organizacije dodatnih promotivnih događaja, koordinirani nastupi u inostranstvu i mehanizmi za intenzivnije rješavanje administrativnih i zakonskih barijera za investitore, te privlačenje novih ulaganja.



FEDERALNI MINISTRI VUJANOVIĆ I ZUKIĆ U POSJETI FIPA-I



Direktor Agencije za unapređenje stranih investicija u BiH Gordan Milinić sastao se u FIPA-i sa ministrom trgovine FBiH Zlatanom Vujanovićem i ministrom razvoja, preduzetništva i obrta FBiH Amirom Zukićem.

Na sastanku je razgovarano o mogućnostima suradnje novoosnovanog Vijeća za strane investitore Federacije BiH i Agencije za unapređenje stranih investicija u BiH(FIPA).

Imajući uvidu značaj stranih investicija za stimuliranje privrednog rasta i razvoja, kao i kreiranje novih radnih mjesta, na sastanku su dogovorene zajedničke aktivnosti na promociji Bosne i Hercegovine, privlačenju stranih investicija i stvaranju stimulativnijeg poslovnog okruženja.

Poseban akcent je stavljen na rješavanje problema i prepreka sa kojima se strani investitori suočavaju u BiH i unapređenje koordinacije svih institucija u cilju njihovog bržeg i efikasnijeg otklanjanja.

POSLOVNE VIJESTI ≡



DONGFANG ZAINTERESIRAN ZA HE DABAR



REMUS GRADI NOVU PROIZVODNU HALU



...I JOŠ FIPA POSLOVNIH VIJESTI...



DONGFANG ZAINTERESIRAN ZA HE DABAR

Kineska korporacija Dongfang electric je iskazala zainteresiranost za realizaciju projekta izgradnje hidroelektrane (HE) Dabar. Predstavnici Dongfang korporacije uručili su pismo namjere Vladi RS.



REMUS GRADI NOVU PROIZVODNU HALU

Austrijska firma Remus započela je aktivnosti u vezi s izgradnjom nove proizvodne hale u Sanskom Mostu, kako bi udvostručila proizvodnju i zaposlila dodatnih 130 radnika.

Više od 90% svoje proizvodnje ova firma izvozi u oko šezdeset zemalja svijeta, a kompletan proizvodni asortiman iz Sanskog Mosta namijenjen je upravo izvozu.

Prije četiri godine firma Remus, inače jedan od najvećih svjetskih proizvođača auspuha za motorna vozila, privatizirala je preduzeće Enkom koje se bavilo proizvodnjom plastične stolarije, te su svi poslovni objekti u međuvremenu prilagođeni novom modelu proizvodnje. Trenutno zapošljava 150 radnika.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E,
KOJE SU BESPLATNE, KONTAKTIRAJTE NAS
DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted in the colors of its flag: yellow, blue, and white with stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA